

日上墓具酒果挂楮錢元宵街市張燈鼓樂市井家
補竹木爲棚懸燈當道更以紙剪走馬諸燈及爲龍
燈周行巷陌士民競觀是月也農家以秫米搗爲糍
釀酒市肉祭田祖先嗇祝有秋清明日往墓培土具
牲醴挂紙錢會族人飲餽餘插柳於門四月八日家
造青精飯相遺謂之烏飯端午懸蒲艾於門泛雄黃
菖蒲酒食餽餽以角黍相遺以絲絲爲索繫兒童項
臂曰百歲索以辟邪延壽七夕小兒以五日所繫之
絲索剪之泛以水送置屋上以爲鵲橋之渡中元俗
稱鬼節設齋素以祀其先里民集浮屠爲盂蘭盆會
亦有夜放河燈者中秋戶邀賓朋置酒賞月秋社報
成與春社同重陽各置酒登高以秫米饌發之雜以
肉果蒸爲糕以會賓朋習禮之家前後省墓祭以時
食冬至祀祖先於宗祠長幼咸集以次羅拜拜畢受
胙其外姓不行拜賀之禮惟官師士紳行之十二月
二十四日夜祀竈神謂神以是日上天啓事具糯米
果茶以祀之除夕陳設祖先像易門神桃符
燒火爐放爆竹骨肉團圓坐飲謂之守歲